



lako manifestazioa, Maalako Arrabalean barrena. XABI GOROSTIDI

Gizonezkoen jarreraren garrantzia, jo puntuan

Udaleko Berdintasun Sailak eta herriko talde feministek prest dute Indarkeria Matxistaren Aurkako Nazioarteko Eguneko egitaraua. Aurten, arreta berezia jarri nahi izan dute eraso matxistak amaitzeko gizonezkoen egin dezaketen horretan

Xabi Gorostidi ARRASATE

"Aurtengo ekitaldiari begira egindako bilera batean argi ikusi genuen bazela garaia gizonezkoen galdetzeko euren papera zein den. Bada ordua hausnarketa egin dezaten, benetan, egoera aldatzea nahi badute. Beraz, leloa gizonezkoentzako galdera bat izatea erabaki genuen", azaldu du Ekin Emakumeak Elkartearen Jasone Giraldoak.

Leloak honela dio: *Mota guztietako indarkeria matxisten aurrean: zu non zaude?*

Eta jarraian, hiru aukera zehazten ditu: *Konplizea naiz, Isilik Geratzen naiz eta Kontrako jarrera aktiboa daukat.* Gizonezkoek hausnarketa hori egiteak egoera aldatzen lagundu deza-keela uste dute.

Justiziaren "ardura"

Baina fokua ez dute soilik gizonezkoengan jarriko. Honela azaldu du Jasone Giraldoak zein beste aspektutan zentratuko

diren: "Uste genuen motz gelditzen ginela gizonezkoen bakkari galdera hori eginda. Ikusten genuen azken urtean zehar izandako indarkeria matxisten inguruko sententzien eragin-kortasun falta ere salatu behar genuela. Nolabait, justiziari eskatu behar zaiola honetan gurtian duen erantzukizuna".

Manifestazioa eta gehiago

Domekan, urteroko manifestazioa egingo dute Arrasateko kaleetan zehar, eta horren amaieran irakurriko duten testuan oihartzuna izango du justiziaren erantzukizunak. Besteak beste, gogora ekarriko dute 2018an Euskal Herrian erailak izan diren zazpi emakumeek erasotzaileen

ERASO MATXISTEN AURREAN GIZONEK KONTRAKO JARRERA AKTIBOA HARTZEA DU HELBURU LELOAK

aurkako salaketak jarrita zituztela, eta, ondorioz, justiziak ez duela ondo funtzionatu.

Manifestazioaz gain, zapatu goizean doako autodefentsa feminista tailerra egingo dute Emakume Txokoa, eta hilaren 28an, *Alardeak ukatutako plaza* liburuaren aurkezpena egingo dute Kulturaten.

Asteburuko eraso salaketa

Pottogorriak, Emakumeen Mundu Martxa eta Jaiki taldeek feminismoaren aurka izandako erasoak salatu dituzte. Hain zuzen, Jaiki taldearen pintaketen eta kartelen aurka egindako ekintzak salatu dituzte. *Feminismoa* hitza ezabatzea eta horren orde *henbrismoa* eta halako hitzak margotzea eraso larritzat jo dute, eta gogorarazi nahi izan dute ez direla etxean geratuko, euren ustez Arrasaten gertatutakoa eraso matxista delako eta horrelako jarrerak indarkeria edo erailketa matxisten aurrakari direlako.



ARRASATEKO UDALA

Botoen %40ekin irabazle

Jose Maria Arizmendiari plaza izan da ikurrinaren kokalekua aukeratzeko boto gehien erakarri dituena. Guztira, 181 arrasatearrek eman dute botoa, era honetara banatuta: Jose Maria Arizmendiari plaza 74 boto, Herriko Plaza 61 boto, Biteri plaza 24 boto eta Seber Altube 22 boto. "Lehenbailehen" jartzeko asmoa du Udalak.



NIRE USTEZ

IBON ARRUPE

Bidegorririk nahi dugu?

Bilbon zoritxarreko istripu bat gertatu zen pasa den astean, baina Arrasaten ere gertatu zitekeen: Autonomia kalean, kamioi batek zapalduta txirringuluri bat hil zen.

Arrasaten ere antzeko arrisku egoerak maiz sufritzen ditugu. Badirudi denok bat egiten dugula bizikletaren erabilera sustatzearekin –baldintza seguru eta egokietan–, baina, asmoak egia bihurtzeko orduan, arazo ugari daude. Kaleetan haurrentzako tokia egiteak hainbat tentsio sortzen ditu, batez ere, espazio faltarengatik. Motordun ibilgailuen erabiltzaile askok entzun ere ez dute egin nahi autoentzako zirkulazio errailak kentzearen aukera; zer esanik ez aparkaleku plazak murriztearena.

"Kaltzadan doako aparkaleku gehiago behar da!" edo "Gipuzkoa etorbideko bi errailak mantendu behar dira!" aldarririk entzuten ditugu nonahi. Zoritxarrez, Bilbokoa moduko istripuek krudelki erakusten digute hil ala bizikoa dela errezeloei aurre egitea eta bidegorrien sarea zabaltzea. Hala bada, modu kolektiboan erabaki behar dugu; Etxaluze-Maala Ekobulebarrean, Araba etorbidean edo Muxibar-San Frantzisko tartean horixe egitea.

PSIKOPEDAGOGIA ZENTROA

Edurne Iriondo - Psikologo Psikoterapeuta eta logopeda
Itziar Iriondo - Psikologo Psikoterapeuta
Saioa Belategi - Psikologoa, Heziketa Bereziko masterra
Kontxi Lazkano - Pedagogoa
Ion Astigarraga - Psikologoa

Diagnostikoa - Orientazioa
Psikoterapia:
umeak, gazteak eta helduak
Arreta psikologikoa
genero indarkerian

Laguntza eskolarrak
Estimulazio goiztiarra
Logopedia
Ikasketa teknika eta ohiturak

Ignazio Zuloaga 10 • Tel.: 943 79 48 77 • ARRASATE
psikopedagogiko-arrasate@euskalnet.net RPS 295/13